

施秉縣志

二

施秉縣志卷二

列女

楊再翔妻張氏 邑人適翔生子正位甫七歲翔遠遊十餘年不歸張事祖姑及姑至謹孝養無缺後翔回不半載疾卒祖姑憐之欲奪其志張拒不可延師訓子家貧歲歉矢志靡他五十餘年如一日

錢法妻史氏 偏橋衛人法歿史年十八甘貧勵節九十六歲卒成化間建坊旌表

楊友梅妻李氏 邑人友梅廩生早卒氏年二十遺孤文炳甫一歲守節撫育教訓補弟子員

施秉縣志

列女

七十三

陳氏 邑人失其夫姓名早死遺孤甫五歲晝耕夜織撫子成立年六十乃終

歐陽雍妻田氏 衛人年二十夫故誓不再嫁冰霜自矢守節六十五年壽八十五歲崇禎間巡按梁炳旌曰瑤

池冰冽

宋繼宏女 邑人小字關娘年十七未字流寇入黔擄掠婦女一日擁入繼宏室關娘閉戶自縊死

李逢春妻王氏 邑人王之廉女年二十六夫亡遺孤尚幼父憐其無依令同居不從避吳逆亂居鄉鋤蕨度日

撫子成立

廖定策妻劉氏 邑人定策中武舉赴會試歿于旅邸姑亦相繼歿劉冰蘖自矢撫遺孤國璜為邑諸生苦節三十九年

鄭天錫妻郭氏 邑人年十六歸天錫時翁滇武定守備郭同夫赴翁任二載生一子而夫卒郭扶襯歸葬翁陞任廣信遣使迎不往曰兒識漸開習見富貴則驕侈素知艱難則勵志後值兵燹卒能撫子成名

蔣仕魯妻汪氏 邑人年二十夫卒遺孤薦科尚幼汪截髮毀容奉養翁姑守節三十餘年先姑歿臨終呼兒媳囑曰吾病度不能起未送老姑終是吾遺恨汝輩須承

施秉縣志

列女

七十四

我志善事之

孫上元妻顧氏 邑人待字二十九歲適舉人上元為繼室僅三月夫赴京會試越明年夏河水泛漲家業蕩析翁歿於水上元聞赴一痛而絕顧無子撫前妻之二子不啻己出四壁蕭然女紅贍口苦節二十二載卒五十一

陳 琦妻廖氏 邑人年二十適琦相敬如賓七載夫故遺子女各一廖痛絕復甦立志守節家貧乏食採野蔬以療飢撫孤成立

李之賓妻白氏 邑人年二十夫故家貧姑老子幼日食

豆粥衣僅蔽體姑歿只餘茅屋數間鬻以營葬有巨豪百計奪其志白毀容守節撫子成立

以上七人雍正四年巡撫何世璜題旌

張國經妻吳氏 邑人適選貢國經年二十九歲守節上事翁姑孝謹下訓諸孤成立康熙初年里人欲上其事氏力辭乃止年八十四歲卒

潘璧應妻楊氏 邑人璧應歲貢不仕偽朝甘貧食力會國朝師至璧赴楚省投誠病死年二十五歲矢志靡他年六十卒

蔣奇魯妻李氏 年方少艾而魯家貧魯病數月勢幾不

施秉縣志

列女

七十五

起顛天割股啖之立愈

葉某妻黃氏 邑人夫亡氏年二十五歲茹荼飲冰孝事孀姑嚴教孤子年六十九歲卒乾隆元年奉

旨建坊旌表

陳 瑤妻馬氏 邑人年十九歸瑤孝事孀姑後瑤患癱難於步履乙卯苗變合村驚逃氏守夫不去瑤叱之速走氏泣曰願代君死苗果至夫婦同時遇害

宋文曾妻曹氏 邑人文曾庠生亡時氏年二十二歲遺子聯燦止八月矢志堅貞三十餘年乾隆十一年公舉節孝製木主祀節孝祠

孫紹登妻陳氏 邑人年十九歸紹登未幾登死乏嗣氏
明大義撫猶子繡為夫後讀書成立乾隆二十九年奉
旨建坊旌表並祀節孝祠

雙列女 庠生李朝棟女吳逆之變賊兵到處淫擄二女
年皆及笄隨父避難不幸與賊遇二女恐受辱同死鐵
溪潭中教諭詹林為之立傳

曹登科妻朱氏 邑人適副榜登科年十八事翁姑孝值
姑病篤割股以進冬初姑曝暄樹下忽風折枯枝向姑
頭上飛來氏急前進護姑倉皇跌地而樹上大枝又復
墜下舉家奔救已無人色及視姑無恙所坐杙已碎矣

施秉縣志

列女

七十六

氏滿面血污兩手抱姑不釋不覺被創也鄉里報經學
師教諭潘珍旌以孝格天心匾額乾隆二十五年製木
主祀節孝祠

汪兆鵬妻陳氏 邑人年十九歸汪次年舉一子未週歲
而汪歿氏毀容截髮誓不獨生翁姑泣慰曰爾死誰為
爾乳孤兒氏因強抑哀情撫孤天培入邑武庠不數年
翁姑病歿孤以承重克昭典禮氏年六十餘白髮如雪
孫曾疊見乾隆初奉旨建坊旌表

楊光前妻張氏 縣屬勝秉楊家灣人歲貢張文藻胞姐
夫歿撫孤守節年八十餘歲卒光緒乙未經知縣楊蔚

南題請奉 旨建坊旌表製木主祀節孝祠

周國泰妻楊氏 縣屬勝秉楊家灣人附生楊肇元胞姊
氏年二十一歲歸國泰數月國泰病故氏以身殉光緒
三年經知府汪炳璈給以離明夫決匾額旌其門
張敬勝妻李氏 縣屬新城人咸豐六年苗叛九月十五
日城陷氏攜子婦及諸女閤家十八口赴寨膽河投水
死以殉節

金烈女 縣屬新城人咸豐六年九月城陷女為苗俘至
三丙大塘不為苗所污以酒誘苗醉襲殺之自投水死
蔣貞女光瑩 縣城人歲貢蔣光濤胞妹父母早歿依兩

施秉縣志

列女

七十七

兄以鍼黹度日守貞六十年卒民國六年知事馬政修
給匾額旌其門

楊玉藻妻秦氏 縣城人咸豐五年苗變破城倉皇間家
人驚散各不相顧氏求翁姑不得遇苗城下遂殉難全
節

宋嘉謀妻蔣氏 縣城人歲貢蔣景山女年十七歸嘉謀
後嘉謀病故遺孤二氏年二十矢志守節撫孤成立現
年六十歲尚存宣統元年知縣王靈顧給匾額旌其門
並奉旨建坊

蔣光文妻蕭氏 縣城人蕭應華之女夫死乏嗣時氏年

二十二歲撫族子蕭先民承祧宗祀苦節三十餘年現年六十二歲尚存

楊玉藩妻龔氏 縣城人咸豐五年苗變城陷殉節

楊隆瑄妻蔣氏 附 妾劉氏 縣城人咸豐五年苗變城陷

殉節

楊玉琛妻鄧氏 縣城人咸豐五年苗變城陷殉節

宋復萬妾駱氏 縣城人咸豐五年苗變城陷殉節

宋喬松妻金氏 附 女盛粉姑 縣城人咸豐五年苗變城陷

殉節

宋復飛妻楊氏 縣城人咸豐五年苗變城陷殉節

施秉縣志

列女

七十八

宋紹湘妻李氏 縣城人咸豐五年苗變城陷殉節

宋復田妻岑氏 附 女觀鳳 縣城人咸豐五年苗變城陷

殉節

宋復育妻陳氏 縣城人咸豐五年苗變城陷殉節

蔣廷玉妻楊氏 縣城人咸豐五年苗變城陷殉節

蔣瑞堂妻李氏 縣城人咸豐五年苗變城陷殉難全節

蔣笏軒妻宋氏 縣城人咸豐五年苗變城破殉難全節

王殿颺女接弟 縣城人咸豐五年苗變城破殉難全節

蔣氏女一珍 縣城人咸豐五年苗變城破殉難全節

馮成修妻宋氏 縣城人咸豐五年苗變城破殉難全節

周秀洪妻馮氏 縣城人咸豐五年苗變城破殉難全節

岑中祥妻袁氏 縣城人咸豐五年苗變城破殉難全節

岑中福妻田氏 縣城人咸豐五年苗變城破殉難全節

岑發仲妻楊氏 縣城人咸豐五年苗變城破殉難全節

宋嘉培妻程氏 縣城人咸豐五年苗變城破殉難全節

楊希周妻劉氏 縣城人咸豐五年苗變城破殉難全節

劉泰鳳妻宋氏 縣城人咸豐五年苗變城破殉難全節

劉泰來妻侯氏 縣城人咸豐五年苗變城破殉難全節

周文友妻鄧氏 縣城人咸豐五年苗變城破殉難全節

侯松妻朱氏 縣城人咸豐五年苗變城破殉難全節

施秉縣志

列女

七十九

侯文煥妻唐氏 縣城人咸豐五年苗變城破殉難全節

蕭元輝妻劉氏 縣城人咸豐五年苗變城破殉難全節

蔣友周妻劉氏 縣城人咸豐五年苗變城破殉難全節

蔣長壽妻王氏 縣城人咸豐五年苗變城破殉難全節

蔣大方妻宋氏 縣城人咸豐五年苗變城破殉難全節

王培元妻李氏 縣城人咸豐五年苗變城破殉難全節

王殿臣妻蔣氏 縣城人咸豐五年苗變城破殉難全節

歐起龍妻張氏 縣屬勝秉人氏年十九歸起龍年餘起

龍經商溺死遺一女無子氏撫族子大相承桃教養成

立現年八十五歲孫曾叠見民國八年知縣杜熙筠請

予旌獎

歐大相妻石氏 縣屬勝秉人年十六歸大相生二子二女而大相病歿氏年二十五歲感姑義矢志撫孤苦節三十九年家貧鍼黹自贍現年六十歲尚存子孫繁茂俱事儒業民國八年知事杜熙筠請予褒獎

楊長青妻吳氏 縣城人咸豐五年苗變城陷殉難

楊長芳妻段氏 縣城人咸豐五年苗變城陷殉難

錢大榮妻宋氏 縣城人咸豐五年苗變城陷殉難

錢大明妻廖氏 縣城人咸豐五年苗變城陷殉難

錢大春妻潘氏 縣城人咸豐五年苗變城陷殉難

施秉縣志

列女

八十

錢大發妻楊氏 縣城人咸豐五年苗變城陷殉難

楊玉良妻朱氏 縣城人咸豐五年苗變城陷殉難

宋紹忠妻蔣氏 附 女惠珍 縣城人咸豐五年苗變城陷

殉難

楊貞女元貞 分縣屬江西街人縣庠生楊雋之胞姊於光緒初年因父母早逝矢志不嫁撫兩弟雋傑成立均入邑庠不幸雋傑相繼病故撫姪國鑫國璧成長姪謙赴省完全師範學校畢業今家聲漸振貞女之力也現女年五十二歲守貞四十餘年尚存

楊貞女陶英 分縣屬龍頸耆民楊靈光長女靈光早年

生子不育僅此一女女性慧知大義見父母年衰無嗣
勸養族人子承祧己負劬育之責平居矢志事親以女
代子經紀家事若將終身及父母相繼歿喪葬盡禮洵
女界中之君子也女苦貞四十年現年五十餘歲尚存
劉光電妻黃氏 縣屬綿竹山人年十六歸劉生二子昌
懷昌河八年後夫疾故矢志苦節四十餘年撫兩子成
立娶媳王氏莫氏無何長子昌懷卒遺一子一女未幾
子女並歿媳王氏年二十歲感姑義亦矢志柏舟次子
昌河未久亦歿遺一子詩林媳莫氏仍矢志撫孤現將
成年肄業縣城高小學校一門兩世孀居撫一孤以存

施秉縣志

列女

劉氏宗祧現姑黃年六十六媳王氏莫氏亦各年四十
餘其貞操洵有足風者

土司

偏橋長官司 宋時安崇誠以功封威信英烈侯子文授昭武大將軍數傳至源於明洪武元年以功授鎮遠府土同知子德可于洪武三年改授偏橋長官司累傳至顯祖于清順治十五年准襲前職顯祖子宏治於康熙四十二年承襲有印又數傳至德隆於光緒九年承襲德隆傳子鴻勳現襲斯職管轄地曰東門砦安寧砦平甯砦上甲砦四砦面積約二千方里居民一千六百餘戶漢夷參半位置在縣西北風俗生計與縣同

偏橋左副長官 明洪武元年楊前灘始授武烈將軍洪

施秉縣志

土司

八十一

武二十年改授偏橋長官司左副土官累傳至通聖于清順治十七年承襲前職通聖傳子光泰光泰子清于雍正十年承襲有印又數傳至維屏于光緒初元承襲維屏傳子其明現襲斯職管轄地曰中寨砦半寨砦石家砦何家砦四砦面積約一千六百方里有奇居民一千四百餘戶村寨苗漢雜處位置在縣東北風俗生計與縣同

偏橋右副長官 宋時楊通賽以功授偏橋軍民左副長官再傳至通誠於明永樂二十年改授右副長官累傳至毓秀于清順治十五年承襲前職毓秀傳子再培再

培傳子綬于康熙六十一年承襲有印綬傳子益英益
英傳子希賢希賢傳子大成大成傳子玉立玉立傳子
秀杰秀杰乏嗣嫡叔春榮襲職春榮傳子秀淇秀淇傳
子再蕃現襲斯職管轄地曰平車硎寫寨硎世戶硎甕
篷硎四硎面積計一千六百方里有奇居民一千五百
餘戶苗寨居多位置在縣東南風俗生計與縣同

古蹟

楊公堤 邑城北門外為西正二街初大河由黃平街沿中寨門首而下西正街後有菜園廣約數千畝園外有校場埧嘉慶道光以來水勢漸趨河內知縣楊書魁于道光中任斯土深憂之捐廉築堤乃工未竣而瓜代以致不數年而崩塌如故今雖土石無存而西正街之未被水湮沒者實得楊公之堤防有以致之也

龍門 邑城北三里有鯉魚塘深不可測河干一山酷肖魚狀昂首掉尾躍江而上高數百丈鱗甲鱗鬣如生山側奇石巨細磊落如龜如鼈如蟹如蝦如蟹排列縱橫隨魚而上魚頭向處

施秉縣志

古蹟

八十四

山勢微均邑人於道光晚年建築龍門製極工巧山畔一巨石壁立百仞書化龍石以實其境地為思石孔道兵燹後石址猶存而龍門不可復覩矣

蒸雲硿 城北二十里甕哨前有硿焉廣僅丈餘深邃莫測時有風習習從硿出天將雨則霧薰蒸如釜上氣一縷干霄而硿中鼓橐益甚重重疊疊愈出愈紛未幾蔽日漫天山雲四接混合一氣倏需甘霖雨霽宿霧漸收清風徐徐仍自硿中引出農人多于此占晴雨焉

四潮硿 城東順流而下為諸葛硿兩岸懸崖壁立頂覆若雲體隔形聯遠視之幾不知有江流其間者昔所呼甕蓬硿是

也而西岸之險益甚山腰微凹丈餘中有一硿人跡罕至深
邃莫測子午卯酉四時水自洞中突出飛流崖下愈出愈大
初若飄風疾雨驟至繼如瀑布直注江中舟人初至者靡不
驚訝片時旋泯故名四潮

無心樹 邑西黃連箐道旁有榔樹大數圍劫火燒其心空大
如屋可設席几其下已根盤皮糾也仰視枝幹蔽日參天秋
冬不殺其青苗平後蔥蒨郁茂尤甚于疇

老硿 城西三十里古礮側近黃平界其灘廣不盈丈僅可容
舟長約半里許上高十餘丈河水奔流聲如雷鳴舟行至此
如石滾坡如箭脫弦瞬息即過舟下時河水奔赴浪高於篷

施秉縣志

古蹟

八十五

蓋較諸葛硿為尤險也是硿開在諸葛硿之先故名

金鐘硿 在金鐘山下洞口闊二丈有奇相傳邑紳楊光斗與
山僧秉燭入行不數武忽敞一門僅容身斂手足蛇行而入
幽深廣濶洞中石乳結成種種奇幻有如瓔珞者幢幡者鐘
鼓鑪鼎者像大士者像羅漢者龜者蛇者飛者走者如牀榻
者如几座者上覆巖頂如夏雲奇峯重疊錯落美不勝數洞
至此處又另闢一竅匍匐而入洞中之排列懸墜者奇譎不
可名狀足履處半係河沙半里之遙忽有河流低處水積成
潭循崖岸而過崖窩似床有蛇大于巨椀僵臥其上斗驚訝
不已僧曰此洞神也何驚為蛇亦不為害急趨前進計十餘

里洞中水吼有風拂拂自洞中出不敢進遂返過前大蛇處
蛇藏不見民出日已薄暮矣回憶洞中景緻爽然若失

華巖洞 距邑城東三十里橫突一山洞闢崖腳相傳明季有
張某初入宏敞儼如三楹屋宇兩旁怪石羅列如蹲獅如駭
豹洞中石乳下垂如浮雲如飛鳥玲瓏錯落愈玩愈奇右折
景象愈譎幻行至此而洞漸低小漸幽暗人俱偃偻行藉火
光屈踵俯伏如蚯蚓蜿蜒十數武豁然開朗有四礮石皎潔
無塵為遊人憩息之所左轉為番僧講經堂鐘磬木魚擊之
各應其響再入為老君鍊丹處葯炉茶灶形跡宛然清淨絕
塵陡削無路木梯橫架石室天成空洞兩頭可容二十餘人

施秉縣志

古蹟

八十六

鬼斧奇絕令人心悸忽有聲如管絃洋洋盈耳手捫巉崖回
頭下視則半畝方塘水色澄鮮中有石柱一擎撐石盤如荷
葉柱長丈許中空外直葉寬三尺餘高出水面崖乳滴其上
溜入其中浙瀝上下清響不絕相傳水底有龍時入石盤嬉
戲故名之曰龍床擬乘輿前往以窮其異導者云長老常遊
其中聞金石聲輒止蓋知其為金盆村春響答離硿口已三
十里許矣自長老圓寂已無步其後塵者乃扶向路而歸
夾泉巖 邑城東五十餘里新城汛附近環城皆山其東南林
壑尤美出郭里許有雙崖壁立陡絕千仞如斧鑿成平板切
合中間一線泉自巖隙中出潺溪有聲四時不竭旱澇無盈

縮味甘而冽崖下有田數十畝為張處士別業

異泉 邑城東北由沙坪橋溯江凱河而上約二里許有異泉焉溪水涸時泉在河岸漲時泉在河中自地湧出泔泔有聲四時如一無盈歉消長人至聒以聲□以足水即立涸俄傾泉出如常再試再驗亦歇泉之最奇也

黑白沙井 在新城城南半里許泉自地中湧出底舖黑沙色如鐵屑其一稍偏西南隅則白沙一片如銀砂玉粒土人因以名之兩水俱清冽澄澈不染纖塵天有旱澇而水無消長下灌田數萬頃四官庄下九砦一帶居民蒙其利者數萬姓水德未可泯也

施秉縣志

古蹟

八十七

三潮水 在新城汛西五六里水自腰湧出每日倏而清倏而濁當其清也晶瑩澈底荇藻可辨及其濁也如金液掬而飲之味甘不過清豈非橫汙行潦所可比擬亦奇也四時盈盈一泓雨旱不逾常度紅岩白堰田畝藉資灌溉焉

飛水崖 新城西南二十餘里有地曰李家橋橋左峭壁千尋陡不可上瀾間河水自上飛空數百丈而下如銀濤如雪練吼聲如浙江潮至其下雖盛暑不蒸故村人往往來此避暑焉其景殆不亞廬山之瀑布特秘在蠻地人尠知之者

清濁泉城東二十里地坳坪有泉自山中出午前澈底澄清午後水止不出少許濁流如注轉瞬清漣可飲甚異焉

文筆山 在舊縣城北圓聳插天形如卓筆土人呼為巴施山
川洞 在邑城南溯小江而上十五里許山嶺重複峭壁千仞
至川洞山腰閃出崖屋山嶺崖覆如蓋墜石不能入洞門屏
石排立如女牆仄徑紆徐牽蘿而上洞中隕石直墜河干邑
城克復賊巢俱埽而餘匪猶負隅于此以相抗拒屢攻不克
蓋有險可憑也後邑宰任崇儒暨誠字營推誠招安苗始出
焉

大岩門 城東二十里有洞在高碑山背距大河五里許山勢
排列高聳下開一窟大於屋可容千餘人洞前有田數十畝
洞嶺復通一竅由洞架梯直上有洞更寬闊深邃洞口若戶

施秉縣志

古蹟

八十八

若牖可以眺遠洞外大山一幅如屏如障眺矚極遠可以覘
敵之來巧極天工苗逆倚為堅巢大軍克復邑城屢攻不下
楚軍赫字營因攻此折兵極夥顧環攻日久苗糧盡勢窮相
率出降楚軍以折兵太多之故殺降苗殆盡邑宰李占魁苦
諫不從後竟以是之故致匿山之苗復來據此屢招不降即
各寨之欲降者亦猶豫焉懼降而見殺也越年餘燄始平
金鐘山 邑城東南七十餘里中秉楊家灣地方有崖峰排起
矗立雲際高約數百丈左右各三峰中峯特高約占地面九
百畝沙石結成上削下廣形圓肖鐘如刀鑿如斧削無砂泥
無草木惟峯頂有土一片平坦可十畝前人掘磴而上構殿

宇數椽供奉神像圍以花草竹木至風日清美之時登臨其上俯視其下方極目千里臺陽澗水均在指顧間洵苗疆之勝境也

雲臺山 在城北三十里為邑中勝景明徐道人遺蛻尚存明將軍鄧子龍有詩紀勝咸豐苗叛遺蛻碑碣無存

塔山 在雲臺山側澗中一峯崛起層疊肖塔相傳總兵皮熊創閣其上

蓮花峯 在城北清泉白石環抱如蓮教諭詹雲岩隱居其下苗叛遺跡無存

諸葛洞 在城東十三里望城坡下古名甕篷洞兩岸懸巖絕

施秉縣志

古蹟

八十九

壁高濶數百丈其中有灘三層明萬歷年間巡撫郭子章天啟年間總督楊述中皆委官開鑿順治十六年總督趙廷臣巡撫卞三元因黔民饑饉軍需匱乏乃檄新鎮道徐鴻業副將王可復疏濬此洞艘楚米萬石由洞二百四十里輓舟銜尾而上竟達於黃平城下人咸說以為神自乙卯苗變當事屢次開鑿搬運楚米百餘萬來黔而黃平白泥青平凱里各難民口糧竟不勞人力焉今則船隻通行官民兩便惟夏月洪水泛漲上下頗覺艱難

鷄冠坡 在舊縣北山勢稍拔明時軍民會哨於此

鼓樓坡 在舊縣北明萬歷年間設防於此

石牌坡 在城北二里往來思南石阡要道坡高五千尺崎嶇
陡絕有一夫當關之險

大頭坡 在石牌坡左古名得勝壘又名狗頭壘明季苗叛有
謠云要得狗頭開必須下雪來後有夏薛二姓領軍來攻始
破焉可見其險峻也

札山坡 在城東明時征苗扎營於此故名

仙殿坡 在城西北紫崗關側其坡最高天旱時土人禱雨必
應

打杵巖 在城東五里為鎮遠必經孔道巖根壁立河畔為水
所嚙以木作棧其上後甃以石故名曰偏橋

施秉縣志

古蹟

九十

廖家巖 與打杵巖相向明初廖道士立壇於此曾有三白鷗
繞之今其址猶存乾隆四十九年建魁閣於上今仍之

漏日巖 在城北石骨雄峙有竅中通日光山色互相輝映
觀音巖 在城北巖臨江畔若觀音之渡慈航陟彼岸者

響泉 在舊縣治後泉聲觸石如雷隆冬不減土人名曰響
泉

白家塘 在城中

鄭家塘 在城中以上二塘不知掘於何時

百丈泉 在城北石壁數百仞水自上而下若委練然無雨雪
而潤田百頃雁蕩匡山未足奇也

犀牛泉 在城東飛山廟後寬數丈寒氣逼人

龍井 在城報恩寺側觀音閣下其水出石穴中味與四方井同

四方井 在城西冲李宅畔即總志所謂湧珠泉也

官井 在城內有二一在北門街畔一在白家塘畔山勢自西而北南向開此二井以通地脉如蝦之有鬚古人名為蝦鬚水

日光洞 在城東馬鞍山麓曾姓屋側洞口寬敞其深不可測有水成溪秉炬入照似有五色魚遊戲其中以手探之則木葉也深入里許有日光下照更為異境明季衛人張丹霞參

施秉縣志

古蹟

九十一

禪其中監軍顏雲漢命名日光云天啟末年太僕寺卿黃龍光謫偏橋與丹霞友善題曰澄潭深洞都督黃越復捐貲建閣其旁為張氏世業甲子孝廉張雲霽偕子姪輩於此讀書焉咸豐苗叛閣宇被燬今尚未修

佗牛洞 在城東望城坡左側因佗牛常宿於中故名或名為白雲洞

彌勒榭 在雲臺山前石壁孤峭上有臺明冷水道人自臺卜居於此名之曰蝸房

斗母洞 在西華山側中有石鐘石鼓蓮花諸勝

三潮水 有二一在地壩黃塘一在諸葛洞武侯祠巖畔每月

三潮甚為靈異

鐘鼓洞 在雲臺山腰洞中有石如鐘鼓叩之其聲清越故名
飛鳳石 在南三里大道旁有石二酷肖鳳體一開翅一闔翅
如雌伏雄飛之象焉

觀瀾亭 在魁閣下兩江合流處咸豐六年為苗燒燬未重建
拜經臺 在雲臺山有石三尖長丈餘離岩壓獨立高懸萬仞
徐道人拜經其上故名

禮斗亭 在日光洞側明都督黃越為張丹霞所建咸豐燬于
苗未建

道士壇 在城東廖家巖相傳為廖道士召天將所築其址猶

施秉縣志

古蹟

九十一

存

八閣亭 在藍橋明萬曆時建自燬於苗後未重修

松濤亭 在雲臺山畔明冷水道人所題今僅存其址

玩易軒 在城西北隅明孝廉李為珩讀書處見府志

百尺樓 在城東明孝廉陳憲度讀書處見府志

聽松樓 在城東明孝廉宋安全吟詠其上取以名集學使畢
公忠言序之門人張寅揆刊於滇以行世

宋誠墓 在城東白水堡誠原籍安徽定遠縣人先誠父均寶
於明洪武間從戎有功授職校尉後誠襲職改授昭信校尉
一紀之間歷職三衛調升偏橋在千戶所出師白洗陣亡勅

武德將軍准世襲指揮

蔣綬墓 在城西埧羅屯綬原籍安徽定遠縣人明洪武間征南有功陣亡勅封懷遠將軍准世襲指揮

宋安全墓 在城西北郭外埧上廟坡上有道行相傳為冷水道人高弟臨終時自書墓碑曰神全道人之墓又自撰墓聯云北邙草木月三更那堪高枕南極文章天兩旦誰與細論按安全曾中明清兩朝舉人故云

王克仁墓 在北坡克仁原籍山東人明洪武間從戎有功授昭信校尉後南征升千戶所封武威將軍

宋騰熊墓 明舉人任雲南監軍道墓在城南宋家沖

施秉縣志

古蹟

九十三

廖坵晚墓 在黃連箐原籍湖南臨武縣人明洪武領軍征黔有功授職百戶子孫世襲其職

巴團 分縣屬地距施秉九十里為丹江臺拱黎平古州出鎮遠之咽喉雍正初年生苗變亂提督哈元生命部將巴勇屯營於此時苗眾兵單勇大振團練苗不敢入土人遂襲其名為巴團營壘煙墩遺跡尚存

藝文

建施秉縣城碑記

明提學 李曰材

嘉靖乙丑冬施秉縣城成施秉縣者鎮巖邑也古牂牁地明興內附置縣設官正統甲子始縣當岑鰲景洞間西控播凱南枕洪江皆封豨豺豸之鄰而伏弩衷甲之地也獨一而北通郡治走滇楚而通上國施固則播洪之苗不敢窺鎮陽而滇楚路通若人身然鎮為襟喉而施為肘腋也肘腋嬰患則襟喉梗故施秉雖小邑實鎮重地也論者謂欲固施秉則城守為急成化間守臣嘗議城岑麓諸堡會工鉅不果尋稍調番休衛卒為戍守計嘉靖辛酉容山司構亂環甲挺戈焚劫縣治時戍卒無能禦

施秉縣志

藝文

九十四

者居民竄巖穴間喘息求旦夕活賴一二帥臣整師誓眾殲殄元惡縣境旋復而橫罹兵燹者莫可救藥矣使當時城數雉而守之苗雖悍豈能蹂躪至此中丞柱峯趙公奉璽書至嘆曰患為備已無及矣奈何不及早圖之乃與臺察巫公協議為城守計謀之守巡徐君敦張君廷柏僉畫允諧乃檄郡守袁成能守備孫繼武鳩工畫地同知何承訓董其事計費金一千六百有奇粟一千九百有奇堵四百一十有奇經始于壬戌孟冬歷三載乙丑冬告成維時中丞仰亭陳君侍御春樓潘君甫下車揆文奮武圖萬世之利嘉前畫而樂茲城之有成也謂材職載籍當記材按春秋書城郭嚴外防也書城堞慎內治也易曰王公

設險以守其國豈惟山川坵陵金城湯池固為險設也故和戎城而北馬不敢南牧青澗城而夏人不敢東向用此道耳況施秉當鎮扼塞較之和戎青澗功未知先後豈無當於易象春秋之義乎雖然城可守也不可恃也晉陽之城不浸者三版而卒能捍敵存趙子囊城郢而沈尹戍非之豈真城無益哉故城一也善守之則環堵皆堅壁不善守之則百雉為寇壘語曰公侯千城在得人也眾志成城在得民也是為記

創建偏橋衛學碑記

碑在縣學署外兵燹殘缺

明湖廣巡撫

秦金

偏鎮平清為楚西邊邑壤錯於黔舊皆苗穴我太祖高皇帝靜之以武一切用武持之故曰衛其於文德誕敷未暇也迄今

施秉縣志

藝文

九十五

累洽百有餘年猶有震驚我邊邑如香爐山之苗阿傍者今上赫然斯怒曰文盛曰金汝徂征予嘉乃丕績臣金奉命惟謹丁丑束裝越辰龍而前馳於兩山之間山相屬無間斷累數驛乃得一平曠者曰偏橋楚之偏邑至是而盡然其四顧亦山也水自高瀉下束之以甕篷硎石錯出其間如林立頗有奇氣予時據鞍顧盼自雄曰文德誕敷斯地其有開必先乎詢諸父老父老曰師儒設矣方有事於黌宮而廩增附之額未定也余曰需之無難者秋八月香爐山平冬十有二月班師仍道出偏橋諸父老環而進曰大人武功既振獨不從事於文德乎今偏處萬山之中土瘠民貧人事減少於楚省雖不逮他邑然軍衛子弟

多秀而文津津乎向學靡倦誠有如大人前所云云者今巽宮甫畢適遇大人之凱旋請銘之以當息壤予曰善古者天子諸侯自國至於鄉黨皆有學博置教導之官而嚴其選朝廷禮樂刑政之事皆在于學士所習而觀者皆先王之法言德行治天下之意其材亦可以為天下國家用苟不可以為天下國家用則不教此王安石教之之論初無所謂八股也而後世顧貿貿焉徒役志於八股謂安石以八股壞後世之人材則亦誣矣諸生反是而求之則為臣必忠為子必孝抱仁而行戴義而處有忠信以為甲冑有禮義以為干櫓雖強悍如阿傍據險如香爐視之如發蒙振落況誕敷所至莫不革面洗心舞干羽于兩階

施秉縣志

藝文

九十六

以彰天子之文德寧尚煩師武臣力哉然則衛學之建所係匪輕也爰不辭固陋而為之銘曰山青水奇建學惟宜偃武修文此正其時家用書詩以變蠻夷化流澗溪涵泳聖涯俗易風移豈羨雞碑時正德丁丑十二年十有二月二十五日也

新河記

碑在施秉縣東諸萬祠

明巡撫

郭子章

萬曆辛丑春正月予提兵會楚粵師討皮林三月克之四月班師還貴陽道經偏橋城畔河流環繞衛郭滲灘可舟而江絕帆楫予未知其解詢之父老父老進曰此去五里許有三洞名諸葛洞巨石嵯峨橫踞江心餘磧磊磊鱗次戟列水流至此驚波轉騰望沫飛奔即芥為之舟頃刻而膠予曰疏川導滯以鍾水

而豐物古之人有行之者而若是其難也明日詢之諸監司諸監司進曰是河之闢其為利豐矣野航輕舠即極隘者受四五人載三四任省夫騎之半為驛傳便賈客自鎮遠募一騎不能負百觔而一舟可貯十百為商旅便粟自楚一葦至黃平而割分於餘甕龍湄四邑為經理便省城負粟七百里而今去其半以從水為濟饑便頃夜郎之役楚粟艤於洞下今抵黃平異日脫有急為軍興便予曰便若是而數百年來無議疏決者何也諸監司又進曰是河之難闢微獨石障已也而費資亦鉅偏故楚轄而黔之邊隅也楚力裕而鞭長莫及黔藏紕而舉贏難支曰吾何以代斲也且偏人利於開以通商而牟其利鎮人利于

塞以留商而獨牟其利百計阻撓或陰釀金以餌石工石工曰是頑悍必不可鑿者故數舉而數輟乃偏人亦自謠曰若令三洞開除非諸葛來黃眉皓髮習聞其說亦以為天險人力無如之何予曰撤黔楚之藩而獨任其費其責在我鎮人阻撓者吾責之鎮守匠受餌而輟工者半水西人吾責之宣慰塗人可為禹行所無事則智亦大而何疑于諸葛之謠予將躬視焉明日汎一棹直抵洞口予與諸監司周遭相度予曰石即巨無若龍門牛峽之雄也費即侈無至白馬玉璧之沉也其險可鑿而吾力猶足辦顧誰可任此者諸監司曰都司錢君中選偏人有心想計宜莫若錢予乃顧錢曰屬之子矣錢君唯唯予復愛其景幽

而鄰水恣搜討於江澚得一洞似荷葉之半名曰半蓮左突起一臺外臨江潭內不倚巖牆名曰妙高臺臺上橋之可入洞名曰接引橋洞前匯為二大浸名曰上蓮池下蓮池東西二山如巨屏刻其石一曰大屏山一曰小屏山予以其勝似武夷總名之曰小武夷而刻於洞口石壁日暮返棹入城明日趨清平至新添晤宋直指公告以故公曰宜急圖之予還貴陽筮日為文告于偏橋山川以六月六日經始開第一洞自沙築堤至老虎口出沈家溶又由砥柱石黃石板至夾船口其石如堂如坊如宮如霍約共百十有六丈八月八日報竣次開第二洞自團倉石歷半蓮洞前至小屏山下石磷磷不似第一洞之嶠而扈者

歸者嶧者蜀者墜者重甌者絡繹不絕約共六十有八丈九月十日報竣次開第三洞自二洞塘以下至沙石岩山大小別鮮不相連石旁岸脅多礪礫多礮多排碕稍易為土共三十有五丈九月二十五日報竣鎮舟挽而上偏舟放而下而渠成矣是役也為日僅百有二十朝夕石之匠五十鐵之匠二十匠之役夫二百有奇匠之餉六百鍾有奇匠之值百二十金有奇督匠之工錢君主之指揮韓紹梁千戶劉應麟葉正暘經歷王樞倉大使謝宥陳旻佐之餐風宿水亡須臾離役所守備董龍王之棟指揮許繼祖把總王允聽間捧檄一至而省視焉諸首建議而襄成事者總兵官都督陳君璘右參政尤君錫類右參議

張君文奇副史洪君澄源袁君應文劉君冠南副總兵陳君寅
例得書于石陰

請剿黑苗疏

明御史 楊通宇
施秉人

題為兩江九股黑苗宜殄懇乞聖明專勅有謀文武急行撲滅
以固黔疆事竊查黔方鬼國面面皆苗如平清偏鎮則有九股
兩江之黑苗錯壤於府州縣衛之間頻年遭其荼毒所至盡成
坵墟挖人之墓梟屍索錢擄人于巢非刑勒贖焚廬舍割田禾
解肢體剖心腹此惡苗之罪狀極矣即臣前母舒氏曾被掘塚
割首胞弟通寅亦遭擒獲笞枷田土盡為佔據賦稅久累填賠
舉臣一家之慘害則戶戶處處可知即以往事論之將土官張

施秉縣志

藝文

九十九

國威抽腸割鼻居民擄入巢穴苗之橫暴言之寒心然其所以
至此者皆緣於數百年來無所懲創致養成尾大不掉也臣本
黔人雖為桑梓計然尺地莫非王土苗逆不除終為黔害況水
火迫身者府州縣衛之民不獨於臣已也倘不縷舉下情先行
入告則上負聖上知遇之恩有愧言官之職臣實受其害非採
訪聽聞者比伏乞天語丁寧勅下痛剿則黔害除而黔疆固矣
統俟 皇上省覽施行崇禎二年四月十五日題奉 旨黔苗
宜剿這奏內說得明白著新督臣定計實行

新建偏橋衛學碑記

明太僕
寺卿 黃龍光

聖天子建極維新國之疵民之病胥舉而洗濯之雖云率由祖

宗舊章而其氣象固已無乎不新矣即不才腐朽如龍光輩往歲丙寅以愚忠撻逆璫之鋒謫戍偏橋自分荷戈執殳長為邊疆禦魑魅填溝壑不意深沐 聖天子雨露得洗濯自新復側身鴈行矧祖述堯舜憲章文武尤天子所寤寐思服者有不尊而崇之如中天光景常新耶偏橋楚巖邑也道險而地穴于苗其土瘠其人樸其俗儉而質中州士大夫之所不齒也然其土瘠則善心易生人樸俗儉則教化易行自正德癸酉建學以來英才輩出斌斌乎與中州爭勝其學宮始肇于北繼遷于西今移於中作其堂奧勤其垣墉惟其暨茨惟其丹雘興賢育才之地可謂日新矣而士不興其德業毋乃役志于功名惑聽于風

水實與聖學相謬刺歟青青子矜行寧正勿畸有金玉之音有蕙蘅之品神寧蘊勿炫有淵嶽之藏有冰雪之性才寧瞻勿襲有鸞鳳之彩有鐘鼎之猷幹寧貞勿靡有雲漢之章有風雷之令則德業日新庶與聖天子庶政維新之意遙相輝映而不徒以宮牆改觀為畢乃事也顧龍光于茲猶有感焉自逆璫焰熾生祠遍地刑餘之夫一丁莫識崇德報功幾與至聖為伍羞當時而辱後世而中州士大夫不屑生祠之是建而惟學宮之是營則聖學常新人類不至中絕甚盛事也 龍光 偷生偏橋一載於茲承恩賜環將別茲土自顧謏劣無所短長負聖主解網之恩孤并州父老之望爰于學宮新成之日謹弁數言以志不忘故

舊之思他若風水科名諸說姑存而不論云時崇禎六年癸酉三月三日記

義勇葉孝傳

大理寺少卿陳珣人施秉

說者謂明之天下壞於流賊而不知潰兵尤甚蓋潰兵不殺賊而皆化為賊且更虐於賊如張先璧其一也先璧滇人也官副將號克誠俗訛呼為黑神弘光元年將兵三千奔屯溲浦性殘暴日殺良民無算巡撫何騰蛟囑荆西道張曠往徵之曠將至先傳令禁殺先璧即止自揣生平無狀疑誘殺之不肯往曠與設誓乃往騰蛟喜其軍壯留為標軍究之擁兵跋扈勇于殺民而怯於禦敵聞風輒潰戊子年八月朔至偏橋食人吸髓其罪

施秉縣志

藝文

一〇一

不可勝誅維時設有強有力明大義者執而殺之除一逃將猶除一流賊耳奈何畏首畏尾群以強藩當之聽其夜郎自大也縣北王家屯人有葉孝者目不識丁手能挽數石弓伺渠遊魂之侶射而斃之亦可謂力大於身者義形于色者矣不幸為賊所執剝其皮張於大頭坡之上孝罵不絕口復奮其血軀延至溝畔飲水以歿吁何烈也向使孝也位顯于朝則須漕體碎須漕衛地蕩陰勢窮何遽不如洪演之納肝侍中之濺血豈徒與王著施全爭名義而已哉

論曰司馬遷曠代史才當日往往留意于遊俠而不為王蠋特立傳僅附其名跡於田單傳末宋儒少之蓋燕破齊齊王走莒

齊之臣腰黃金身紫綬者非逃則降無一人出身抗敵彼蠋布衣耳乃不為利誘不為威屈經其頭於木枝以死齊疆卒賴以復焉視夫聶政郭解之流徒能瞋目攘臂白晝殺人身死無關於宗社生靈者其輕重為何如也葉孝殆王蠋之後身歟而何可以無傳

重開諸葛硎碑記

按察 彭而述
河南進士

偏橋距沅州四百餘里中聯三衛為滇黔楚咽喉沅居黔北偏隸楚西偏橋當黔南孔道屬黔而兼隸楚故明偏沅撫軍之設取名於此以為滇蜀黔粵楚五省總樞故撫軍駐節兩地從中持緩急楚東南都會百貨所聚江漢而外眾水所歸沅水上接

施秉縣志

藝文

一〇二一

黔之鎮遠所謂澗水也發源於黔在黃平州而上僅可濫觴下此即可通舟乃偏橋之南北上抵黃平下抵鎮遠二百四十餘里有所謂諸葛硎與夫老洞鷓子灘等巨石填咽不受舟楫沅州至鎮遠溯流夾舟而上必不能踰諸葛洞洞夾兩山青嶂萬仞石之大者如象小者如牛從上而下跌為深潭曾不容舳前督師泰和郭公子章曾經開鑿有碑記可考事久石還本位水歸舊流阻礙如故於是楚粟入黔者自鎮遠而土二百餘里擔負之功百倍其難國朝順治十五年王師定滇黔貝勒諸軍駐滇黔及鎮兵散布黔南郡縣者以億萬計厥費正等新鎮道徐君及副戎王君以事關軍興力議修舉請之臺使及藩臬諸長

官初以時紕舉贏不許二君請之固議乃決鳩工襄事越年告厥成功下抵鎮遠上至黃平舟楫大便轉餉不至乏絕予以庚子夏捧滇藩檄道經偏橋聞而壯之與王君並轡往觀嘆曰鄭國開渠萬世利賴西門豹決滏水潤鄴下而國人祀之不衰況乎排次疏導力同開山且事關軍國之大乎夫二百四十里中山路險隘牛車莫施計一夫所負不過四斗一日所行不過五十里二百四十里往返所費一日止以二升計之十日之中已去其半如是而進計之四十石止得二十四百石只得二百而此妨農功賠里遞以及胥吏之侵漁不與焉若夫舟最小者可以受十石或二十石是一舟可以省百人數十人之費矣其勞

逸奚啻倍蓰若夫商賈免捆載之勞魚鹽得順流之勢且都勻平越鄰郡亦得藉以轉輸而給與他縣俾無水旱之虞即環黔南之洞苗犵狓得以本地土產運銷外縣衣食漸足勿生戎心是一舉而四善備焉又不止軍興一事為然也難者曰黃平而上距黔尚三百餘里安得不陸曰是不愈於己乎語曰得尺即尺得寸即寸況二百四十里之間乎滇南千有餘里粟所難及所需者金計東南吳越之間襁屬不絕於道其所需人功不貲亦可以稍代黔之餘力以為滇地黔困稍蘇一力辦滇不尤愈于二者並急乎滇地宜五穀產金錫益州沃野千里漢唐以來皆屬內地黔兩腋皆苗中通一線粟不足軍民之食先代開黔

所以開滇也昔莊躋畧黔地而王滇正以非黔則入滇無路今日之役亦猶行古之道也後之君子纘而行之征繕稍暇拓而大之利在百世其興作費用詳載徐君記中茲不悉

建修施秉縣石城碑記

邑令 董良材 雲南進士

黔南皆山也悍苗穴處恃險自固昔為民害其狡黠難制者新疆尤甚封豕豨豸攫則觸之自古迄今屢經剿撫終莫之靖故操勝算者必先阨形勢焉然形勢之要鎮遠而外施秉稱最鎮遠滇黔之門戶施秉鎮遠之咽喉欲守鎮遠非營施秉不可施秉偏橋衛也創自明初隸楚郡馬康督指揮千百戶等築城於洪武二十五年壬申內土外石覆以瓦屋置樓櫓設撫軍往來

施秉縣志

藝文

一〇四

偏沅居中調度持其緩急規模蓋宏敞矣歷正統迄萬曆間苗播疊叛隨毀隨葺至順治四年丁亥苗藍描亂偏兵協剿五年戊子八月朔張先璧奔據偏城皮熊遣將禦之遂焚樓堞蕩然一空康熙二十二年黔撫楊大中丞題割歸黔二十六年丁卯裁衛移縣治之夫偏之為城亦綦重矣南引六詔北控三湘扼九股聯鎮遠接應黃平餘慶屏蔽思石等府由五里墩蜿蜒而來盤旋結聚二水滌帶有如明鏡三面距河勢若金湯誠苗疆要地也乃樓堞無存穴磚盜石棄塞壕塹者凡百餘年迨雍正十三年乙卯新疆苗叛攻劫內地陷黃平青谿等處蹂躪士民各鳥獸散前縣令蔡瑾率民固守雖幸獲全然為力已瘁是有

縣無城亦與無縣等事平制軍張經畧議修石城遣會計余庚申歲攝篆是邦乃董其事劈石鳩工謀始於四月辛巳落成于十二月乙丑為城一千一百四十七丈二尺堞一千三百十七東西南北各建門樓一炮臺四小東門水關各一約費帑金三萬七千四百有奇內外馬道窄狹者廣之各一丈五尺北門進水低窪者高之計丈有零整齊雄壯屹然重鎮于以獨當黔南一面仰佐 聖天子億萬年磐石之基書曰慎固封守以康四海其此之謂乎因約其端委俾後之牧斯土而守斯城者庶知興廢之所由來也是為記

重修偏橋碑記

按此橋即北門外跨虹橋非打杵岩之偏橋也

巡撫 衛既齊

施秉縣志

藝文

一〇五

施東彈丸邑耳而黔楚往來實為東西咽喉由黔而之滇之蜀之粵西一綫羊腸聯絡省會且四五焉縣北門外舊有橋名偏橋夫楚南密邇荒服故設偏沅巡撫挈一州一衛以命幕府重其地也橋而專有衛名其為關津衝要非一日矣顧地當岑鰲景洞之間洪江南遶岑鰲景洞在勝乘洪江即重安江下流在舊縣東南距偏橋八十里與此無涉牽而合之誤矣春夏霖雨暴漲山泉百道爭流奔騰震盪橋極易圯圯則行旅次且艱苦萬狀康熙二十七年橋圯即於其年議修官黔中者皆協力鳩助伐石集工糜金一千六百有奇凡閱四寒暑而工成其將成時予適奉撫黔簡命道經其地解橐中糗糧資助之工乃竣其工之鉅而時之久乃如此予觀古昔盛時雨畢

除道水涸成梁畚揭之任一司里舉之而有餘孟子之論子產曰歲十一月徒杠成十二月輿梁成奏功不過旬日間耳由今觀之何其難易懸絕歟蓋黔地紆盤萬山中山嵐蒸鬱恒陰易雨謂之天末又謂之漏天一切橋梁道路與中土之平原曠野較不啻倍蓰無算其功之難成而易壞也大率風土限之也雖然人事修則風土為之潛移綢繆未雨先事預防往往用力少而成功速及其傾圮潰爛然後圖之雖在中土難亦十倍凡事皆然豈容專其咎于風土也哉方今天子神聖深仁厚澤徹於梯航萬國之外黔雖遠猶郊圻耳予不敏竊欲奉楊德意俾黔中百度振興儷於中土值斯橋之成于下車時也記之以為百

施秉縣志

藝文

一〇六

度權輿可也若夫經營鳩助則衆人之成績也其詳書之以志余不欲掠美之意云

大相見坡小相見坡

濟南田雯蒙齋

嶺名黔人謂嶺曰坡在偏橋之東三重迭起高皆千仞計途周三十里陟首坡則尾坡見至尾坡迴矚之則首坡見立中坡前後望首尾畢見起伏偃仰石垂煙接方沈澗心突凌峯頂行者此以手招彼以口呼送響達于咫尺而不知三十里之遙也若以謝客卒徒千夫魚貫之如率然之陣矣以小李將軍圖之又如神山重樓矣首坡遐眺林木蕭森秋光掩映離離蔚蔚乃在霞氣之表中坡則素氣雲浮霧露沾人瀑布垂巖懸河注壑沿

尾坡而下之白雨溪橫黃雲稻熟焚人率彼婦子挽裳以穫小
犢在旁程程遶側客過輒起立去則侏離盱眙相對語擔夫勞
瘁止息于樹下其聲嗚嗚山歌可聽也

上山牢角西復東下山花開一簞紅半滑半乾石當路乍晴乍
雨笠搖風

千樛纏腰布裹頭猿啼鷓鴣叫四山秋下來千尺商訛放牛衢固

麥啖呵交酒飲好自由

奈此翻漿白汗何趕場大弄日不停梭歹雞也後嶺望前嶺雅

務不好小坡愁大坡

唇下蘆鳴月下跳搖鈴一隊女妖嬈阿蒙母阿孛父門前立果

施秉縣志

藝文

一〇七

甕行役人來路不遙

曲意亦難盡解大抵與朝發黃牛暮發黃牛三朝三暮黃
牛如故巴東三峽巫峽長猿嘯三聲淚沾裳詞旨相類耳
丁煒曰嶺曰坡易之之詞也然以遷客勞人陟此則誠不
易矣黔之坡不可悉數惟大小相見以駢駮聯接得名地
為苗蠻出入之所過客恒憂伏莽先生撫黔威德遍加魑
結弭耳畏途今坦途矣煒以己巳夏過此擬有申詠以次
紀行而鬱紆延眺竟不能成一語今讀茲篇起伏崱嶸之
致恍在目前文之曲折如意極類坡公未附蠻歌亦不廢
滄浪之意乎

大理寺少卿陳特庵墓表

雲貴總督 高其倬 奉天 人

皇清誥授中憲大夫大理寺少卿陳公諱珣字自東號特庵于

康熙六十年辛丑又六月十九日戌時卒於京邸寓中年五十有五歛之越年冬君柩歸里壬寅春予拜命總制滇黔夏初道經施邑登堂展奠敦蘭譜之誼迴思契合言歡不勝感慨歛歔第見君子四雖年方弱冠皆挺然子立則又為君喜越明年癸卯孟夏月二十四之吉卜葬君于邑東鍋巴庄祖塋之前其子遣价持君行狀至滇乞表于予予雖不工諛墓因出同門誼不能辭按君生康熙丁未萃黔中之秀聰穎過人髫年遊泮旋食餼膠庠錚錚有聲不類凡響于癸酉以壁經魁多士甲戌聯飛

施秉縣志

藝文

一〇八

與予同受知無山彭夫子門下謁見時謂君學術深醇望而知為端人厥後出仕必著循聲君出任山左冠邑不久以艱去編氓皇皇如赤子失乳服闋補粵西雒容又以廉幹調天河嶺表地遠土俗異宜君畏之以法感之以誠示之以信義莫不喁喁向風蓋君持己清廉待物平恕所以為治者本於經術而非俗吏之所能為是以所至悉能以道得民治行上聞內擢禮部祠祭主政視事方五月猥荷寵眷拜臺中之命君正色立朝不矯激以沽名不倚阿以徇物遇所當言而人所不敢言者不為顧忌而直陳彈劾風節凜然迨晉太常陞大理咸有所表見不肯苟于其職 天子益知君名倚畀寔隆方欲擢執政樞要上贊

綸扉而持國是下表人倫而勵澆俗胡不少待而遽奪之去徒致嘆于天之不憖遺耶雖然君之德行發聞閭里文章衣被來學正直受聖主特達之知經濟錫蒼生無涯之福綜其生平固無愧千古名臣而垂不朽以視乎身膺卿相手握重權位尊祿重而泯沒無傳者相去何如也君元配恭人胡氏子四女二皆幼予媿言質無文僅以所見聞者書於墓表俾後人得以典型云

鐵溪雙列女傳

施秉教諭 詹林拔 黎平貢

偏橋北去百餘里許歷層崖深澗迤邐而西別開一境山環水抱居止數家沿溪多怪石橫亘森列奇峭而堅蒼昔人嘗于此鑄鐵因錫名鐵溪癸巳春予與同事鮑君偶覽勝至其地遇白

施秉縣志

藝文

一〇九

泥王君甚相款洽縱論古今事不倦忽歛歔言曰吳逆之變有賊將巴鄭高數姓統潰軍萬餘駐此剽掠無忌同日被難而死者七人姓名不可考獨李氏二女姊名鑑妹名璧一年十九一十八歲見賊兵掩至相與謀曰人生豈有百年不死者耶與其污而生寧潔而死之為愈也相攜投溪水以死明日父得屍殮殯賊聞而義之勢稍稍戢女父朝棟乃衛庠女能全節如是非巾幗中丈夫克紹乃父書香者乎後里人以女全節事畧呈某學使不報至今節烈無傳詎不深可惜哉余曰此當日守土者之過也余備員教職有司風化之責向者人莫余告今聆子言則二女奇烈不患湮沒不彰矣明日具其事詳之大府大府旌

房焚君預備水龍數條激濁如雨高數丈火不得熾一女苗有妖術張五色繖畫符左右兩端公誦咒舞標槍衝陣公噴烏難血厭之而預設伏兵待之大破之君大小三十七戰自夏徂秋不解甲臥者九十四夜羣苗奪氣各散走一城獲全貴州總督張廣泗上其功 天子擢授大定府通判未赴任又奉檄勘各處兵災兼清理新城苗寨在道勞頓受瘴病舁回施邑卒卒之日其所俸罄于賞兵家無一錢邑人罷市致奠助其柩歸建廟勒石朝庭蔭其子寰為監生所騎豆青馬龍種也每戰咆哮先登君卒馬不復食後十日亦死

贊曰古文武無分途蔡君故文吏也能建武功真古豪哉相傳施秉縣志
藝文
一一一
君抵任時施秉人多睨君而笑謂其貌類邑中城隍神厥後臨危制變保障一方至今人呼施秉城為蔡城然後知士君子寄百里之命血食不絕亦若有數存焉而非偶然者

雲臺山記

張拱樞

雲臺山在施秉縣之西北去城二十里許從望元關入山皆深澗幽壑古木崇嶺山形四面削成獨迥出于雲霄之半俯瞰萬山羅列如兒孫左峙塔山右對彌勒山腰有石洞擊之如鐘鼓聲洞旁有龍泉紆徑而右會白垞河繞其山麓絕壁有白雲洞如哆吻張鬻盤旋而入朝夕閒雲往來山巔如臺隍然因得名焉人跡從不到相傳其中猛虎毒蛇與通臂猿山道士及奇形

猥豕之獸甚夥隆慶丁卯之歲白雲徐道人與周惠登氏學養生固元牝結廬于望玄關者十載一日謂惠登曰赤城天姥古人曾經開闢矧此山相去幾許而顧使之沉淪于蠻煙瘴雨間乎吾願捨身以入如聽木魚有聲則登此山不則為虎狼吻矣言訖攜木魚以往散石灰以誌其跡越三日山頂魚聲響應於谷惠登曰吾友達山矣卽持鉢沿灰跡以行攀援而上遂登巔道人瞑雙目誦黃經端坐古柏樹下惠登手拍其肩曰我來矣相顧大笑而此山遂樂有千秋知己矣越數十年道人跌坐而逝有石嶄然壁立即其蟬蛻處後人顏之為遺真亭也明末戎馬生郊苗叛寇訐遠近人多避秦于山山靈詒誚戊戌之秋予

施秉縣志

藝文

一一一

與宋子次梅重理舊業讀書其上者若而年鷄鳴風雨露飲霞餐罔有或間時乎洗眼看山則與領其佳趣時乎掉頭看雲亦不堪持贈人用是山之得名有以副其實也因縷筆而為之記云

遊金鐘山記

吾鄉金鐘山者梵淨山之支脈也數百里蜿蜒中秉巖峯排起其數十餘空洞其中通體不毛而中峯獨高左右六七峯挨次低小酷肖金鐘平地矗起羣峭摩天兩翼旁峙渺無人跡中峯一徑旋繞僅可攀援而造其巔其上有土可以藝蔬有泉可以煮茗花草竹木無一不備又平濶畝餘高下其勢潦草結構卽

趣成天然當夫風掃殘雲極目四顧雲臺香爐諸峯畢見澗水臺山如在目前俯視村落或魚鱗櫛比或星點迷離或有綠成圍或有煙成縷紅紫萬狀雲霞相綺不復辨其為人間天上矣四圍群巘有立者伏者屹者拔者崩者壓者橫者踞者人者獸者竄者戰者飛者舞者懸者墜者眠者萬象環列目不暇給是山也洵吾鄉之壯觀即移之通都大邑未有不動人景仰流連歎其為絕無而僅有者也前人曾構屋數椽供諸佛像於其上而遠近墨客騷人不著一字以紀勝概何耶豈窮鄉僻壤高人逸士足跡罕到歟去郵亭僅里許驅馳皇路者莫不目覩抑捫險探幽濟勝鮮具歟而竹杖芒鞋茶話其間者又卓有其人噫

施秉縣志

藝文

一一三

我知之矣蓋山雖高無仙不名也然而峭壁撐天奇峯拔地班聯玉筍無殊鬼斧神工翠聳螺鬟掃淨蠻煙瘴雨其薄日月而衝霄漢者氣體迥不侔也物以罕見奇知以稀為貴顯晦有時安見是山終湮沒人寰而無名公鉅卿為之表彰哉

四官莊平寨重修關聖廟碑記

一鄉一聚之中必有祠神之廟嚴其像設崇其羽葆鼓吹備其俎豆尊壘鐘簋幃帳之具然後其神尊而人民之觀聽斯肅於是春秋之報賽者集於斯有祠禱者集於斯里中事之宜公議而眾治者亦莫不集於斯一廟之興而有繫於鄉里如此是亦王政所不廢也溯平寨之有廟始于嘉慶之初以奉祀 關帝

暨五顯諸神者幾六十年及咸豐乙卯苗叛一村淪陷此廟亦燬自是廢為荒墟二十餘稔于茲矣光緒九年地方大寧流亡漸復里人集議重修遂以近歲廟田積租及本寨各舊姓所捐施者合貲籌建興工於癸未冬月之吉越明年九月殿宇落成其中龕右龕神位安設如舊而左為客寮殿東添造廟屋三楹為住持者寢息庖湏之處屋少北為倉二所一貯本廟田租及場市所收斗息米石一貯本寨義谷凡關一村公事胥於廟焉統之禮也此一役也工堅而費省未及期年□復舊觀且加美焉是皆吾里人樂善從公踴躍趨事雖自後續有增修方興未艾然要以斯殿之成為本胡可畧也因記其重修之節概如此

施秉縣志

藝文

一一四

其本廟田業及里中同修姓名別列於碑

朝議大夫四品銜前安徽泗州直隸州知州賀緒蕃記
光緒十四年歲在戊子夏五月州庠生傅毓珪書丹

重修北門外萬安橋敘

即今雙鳳橋

鳳山高聳鯉塘曲橫瞰澗水之東流踞偏橋以西峙我施秉非滇黔門戶鎮郡噤喉乎城北大河環繞舊有大木橋創自前明名曰萬安期普濟也洎我朝康熙紀元易為石礮厥後圯而復修者五道光五年澇水為災橋墩小有崩潰經郡守凌公謙齋復修舊制十八年戊戌大水襄陵邑城既陷橋與俱崩自時厥後無力修復者六十餘稔邑人雖於柳塘設有義渡然山溪

暴漲水勢湍急篙師忌焉故行旅每望洋而興歎驛馬因阻水以稽遲障碍交通莫斯為甚年來各大憲暨歷任宰官非不提議復修然時議時廢不果舉行我邑侯李公桐軒握篆是邦下車伊始憫斯民之病涉也毅然以復修自任經費則捐廉以為邑人倡共募集得若干金不足復籌之往來行旅又得若干金爰于光緒壬寅興工越四年乙巳告成計石礮十餘因迭次崩潰皆原于橋腳沙石不穩固也特于礮腳墊以木排橋面布以厚板橋身覆以長廊若干間今而後既免風雨漂沒之虞永感交通往來之便斯橋不朽我邑侯桐軒李公並樂捐善士之德同為不朽矣邑人王丙坤謹序

施秉縣志

藝文

一一五

施秉縣立女子高等小學校落成記

有守土責者邁辦學而猥云經濟困難此絕人進取之權辭也非是必媮蒞惡勞者之故智也非是必自養過尊或視同傳舍恣置地方之人材謂非我子我女之關切也施邑初等女校成立有年先後畢業已二期矣_修昨冬奉檄權宰是邦甫下車邦人士相見為言如是並云蘄學響上者頗不乏人惜無高等校致女士升學末繇隱然以倡辦請_修因念濟濟女士雅不欲得自封疆遏之使一得自封不獲精進其舊德完滿其新知也不大可惜哉誰尸其咎弗問可知竊以銳然倡辦自責雖然倡辦云乎哉校址于何所開辦費于何出難人亦猶人也僉云舊縣

尉署地尚適中駕言周視度其何者宜改築何者可補葺何者務拓基而冒宇畧具於心經濟一端爰就獄訟者之細故而軒輊之罰以緩得百餘金不給稍稍捐以廉庀材鳩工屬嚴君孝坤周君培章董其役果二君者熱心梓里歷四十昕夕而葺事起而顧之曩之湫隘者今儼為爽塏曩之廳事頽敗者今都為精舍光明告慰諸女士特聘李女士靜秋膺主席承惠然來固不患誨爾無人今更不患升學無地矣然此指為諸女士自足之階又何敢也循是而上道德愈趨於精進知識愈啟於完滿弛之無可弛也張之有可張也言念前途尚有師範草創伊疇以溪來哲

民國五年四月知施秉縣事馬政修撰

施秉縣志

藝文

一一六

驅疫鬼文

庚申夏時疫盛行傳染各地死人無算有力者施藥有術者濟方靄無力無術勉法古人作文以驅之

維時驕陽作惡造物不仁既暑熱之難當吁吁蹙額益妖魔以作祟咄咄逼人問生辰兮安在歎劫運之迭乘莫非射影含沙為域為鬼竟使神疫氣憊無影無形噫嘻此疫鬼也胡為乎來哉斯人任彼挪揄比戶無端咒咀毒於永州之蛇猛似泰山之虎其害人也酷同□掠患者臀已膚無癰盡脂膏醫生瘡難月（複製者按：此文因原抄本不完整疑有脫落錯訛之處。）

詩

偏橋至鎮遠

張一鵠

有水可乘筏其如難渡何不辭車馬憊還怯虎狼過楚水偏橋

盡黔山平越多城陰最慘淡一路少田禾

過鎮遠之二

何景明

古郡青山下經過駐使車土官迎詔拜蠻客望城遮疊嶂營孤壘清江繞百家晚來官署裏獨坐詠皇華

寥落古城池斜光照戍旗關臨苗子砦洞入長官司殊俗終難近蠻音久易知踟躕暮靄上又是仲秋時

偏橋行

何景明

城頭日出一丈五偏橋長官來擊鼓山南野苗聚如雨飢向民家食生牯三尺竹箭七尺弩朝出射人夜射虎巖中無房亦無堵男解蠻歌女解舞千人萬人為一戶殺血祈神暗乞蠱沙蒸水

施秉縣志

藝文

一一七

毒草根苦上山下山那敢敷蠹爾苗民爾毋侮虞廷兩階列千羽

偏橋元日

許邦才

客中逢改歲不辨是何鄉時見懸門帖春風動夜郎

相見坡

施武長洲

上坡面在山下坡山在面相見令人愁何如不相見

雲臺山

鄧子龍

萬山高處雲結臺崔巍鼎立真奇哉乘風步虛一搔首白雲散盡青天開穿崖出洞二十里寶塔三五澗中起巨木枯藤石上生夜來掛月朝飛雨石鐘石鼓數聲靜野鶴時嘯煙霞裏天門玉籟天孫語織女銀河罷機杼下界山神知我來功成羽化蓬

萊主

送譚秀明歸茶陵

明歲 朱弼元

君先憶我行我今送君別同是萍水蹤休聽陽關疊離懷每惆
悵訣詞恒哽咽悠悠遠人心澄澄楚江澈雲山擁去旄煙樹催
歸節落月動人思入夢憑誰說念豈二三移憂來千萬結秋岸
蓼花紅分襟淚灑血

華嚴洞大士像前一石如案為置爐其上感賦

明 楊一鶴 巴陵人

未至華嚴洞望中結玄賞茲山芥子大茲洞何深朗山溜巧為
鑿宛肖空中像慈悲感眾生化工不疎莽獅象吼雲煙鐘鼓奏

施秉縣志

藝文

一一八

聲響我思悲王願法力被天壤五行六道中靈氣常來往況復
清淨界太古絕塵塊廿載劃然開光明破幽敞涓滴蟄龍蛇荒
裔走魍魎色身非有佳慧性非有想鑄此石鑪銘華夷動瞻仰

節孝歌

為御史楊通字
祖母張恭人作

張守讓

澗溪有狂士壯志何英英一朝尋坵壑削跡以逃名行藏為幻
夢形骸悲桎梏笑彼世間人塵累苦戚促一自深山居披雲臥
松雪屣脫軒冕榮邈焉與世絕所志赤松遊泉石以躋攀何意
蒼梧雲翩翩不復還昔日於陵陳仲子離母甘滄井上李楊生
亦欲苦其操忍別慈幃去鄉里庭前菽水誰相將呱呱繞膝劇
堪傷寂寞孤燈誰與語淒涼茹蘖啗糟糠四顧室廬一炬烈悲

聲起處機聲咽紡織辛勤奉阿姑和丸伴讀書聲徹吁嗟兒大
不識父顛天圖像淚潺潺白雲縹緲人何在追尋誰憚關山間
出門只見乾坤濶蹤跡茫茫勞跋涉邂逅相逢衣履穿一語一
淚心如割二十年來耽林壑避地潛蹤空面壁囑兒歸侍倚閭
人絕裾臨歧堪歎惜幽谷春回鶯轉巧一聲道將歸去好大悟
翻然入里門皓首龐眉相偕老骨肉團圓何歡喜匆匆上天騎
箕矣丹成老作修文客漫說求仙長不死悠悠歲月有窮盡哀
哀怨慕何時已隱者留其名勁節冰霜矢孝盡節以堅卓哉楊
伯起伯起樹清標式穀貽嘉軌令子業雲霄昌熾從今始節孝
名不滅德門澤未已采風讀遺編一唱復三嘆餘風頹俗藉以

施秉縣志

藝文

一一九

挽懿行千秋烈日看

張節婦詩

明 何承光 舉人

長吉當年賦玉樓未亡人是杵嬰儔但期易簣言無負詎料丸
熊志竟酬枯樹猿啼山寂寂長堤草碧水悠悠千秋惟有豐碑
在莫更流連古柏舟

築邑城

邱元武

按轡城頭路參差石磴斜平雲連野水霜木俯官衙風落天邊
雁秋悲日暮笳逢人多卉服珍重問桑麻

忠武侯祠

周 瑛

萬樹鴉聲送夕曛孤祠獨對大江濱霸圖先識炎綱正國勢終

成鼎足分伊傅胸襟
明月軒黃行陣布
風雲相才將畧疇
能比一瓣心香特地焚

偏橋新河成放舟東下

巡撫 郭子章

橋畔拏舟一葉輕
揚帆穿樹入蓬瀛
懸崖直下瞿塘路
瀑布遙飛雁宕聲
白鳥青猿爭出沒
山花岸柳遞逢迎
自從諸葛征南後
千載誰人向此行

秋閨

明熊祥
施秉進士

雲霞黯淡樹蒼涼
渺渺沅湘不可望
曉起捲簾江上看
鴛鴦還是一雙雙

此詩含而不露風格高雅最近唐音不得以題與志乖棄之

遊華嚴洞

明提學 甘雨

施秉縣志

藝文

一一〇

寶剎臨官道
仙凡迥自分
鶴翻松塢露
龍臥石床雲
樹影空濛畫崖姿
巖廡文從渠
山路滑未惜
馬蹄勤

前題

明參政 史旌賢

古洞誰初闢
翛然無仕心
偶緣丹灶入
因識白雲深
風鐸傳空谷
松鏡落梵音
賢愚如許輩
吾意正蕭森

前題

明按察 朱化孚

寺前車馬日紛紜
山野閒僧總不聞
洞裏奇文涵幻相
岩間真氣自氤氳
憑空石湧千江浪
何處晴飛五岳雲
可是如來舌本動
好將花雨綉山紋

立秋日遊華嚴洞用少陵白水崔少府高齋韻

巡撫
曹申吉

我行窮南紀落落難自適西風今日至已過朱炎赫道旁鬱奇
勝古洞盤幽闐下臨萬仞谷高勢千尋壁入門石乳垂嵌空逾
數尺始信荒徼外天留破拘寂興來列炬探溼雲生滴瀝躡屐
難自料猿掛愁危石崖峭誰削成疑是巨靈擘安得九日曜不
煩后羿射龍跡類刻劃深窈信屈宅端妙禮大士森穆列仙伯
古來賢達人未經此路僻傳聞止蠻夷奇跡艱良覲不獲列圖
經寂寞空山碧巉岼參鬼際千古山川圻誓將投陰崖因之窮
地脉恐探秘笈書致使山靈戚彷彿桃源棹終與秦人隔茲邦
歷喪亂流血日夜赤迄今深草畔疑埋舊鋒鏑奧區悲獨存終

施秉縣志

藝文

一一一

古蒼煙積庶或揚勝概遠與靈威敵元氣剷不盡遐荒安衽席
孤客理回駕永謝筇竹策臥遊追閱歷油然懷抱釋此志難遽
遂翻為行役迫寄語後來人亦猶今視昔

和前韻

李良年

黔山不知名曲折隨所適歷險已云無到此秋陽赫路轉境忽
幽兩腋落蕭闐孔道啟珠宮中有青鐵壁松杉挺雲外難可計
尋尺禽語共鐘聲峯峯異喧寂俄然蔭崖邊花雨灑淅瀝未知
何鬼工下鑿千仞石巨靈古不到元氣黯相擘冥搜以求之轉
愁鬼火射往者蛟龍騰其種尚窟宅吾欲訴真宰徒此付河伯
窈冥失白晝命屐穹深僻瞻仰大士像色相了可覲獅坐繞莊

巖瓔珞垂一碧始知混沌初象教已先坼坤維本東陷百險走
西脉負固諸溪苗曾勞舞千戚勝地空長湮中土今不隔回攀
磴草錄則染簷溜赤容與及良辰兼喜后鋒鏑池苻魚喙濺壇
花鹿啣積幽討非一玩森爽兩崖敵蒼狗變斯須卻顧濕几席
惟餘清妙香冉冉送筇策憑虛一御風如坐彌天釋此中應可
求奈何塵網迫即事感蒼茫喟然念今昔

華巖洞

吏部侍郎趙士麟 雲南

凌晨燃炬入僮僕笑斯遊洞挾孤雲宿泉隨隙石流人煙生白
板山寺隱紅樓徙倚將亭午鐘聲林外幽

前題

巡撫佟鳳彩

施秉縣志

藝文

一一二一

曉日雲崖翠孤臺月照幽鐘聲連萬籟鳥語散餘愁嫩竹隨風
起爐煙帶水流歸鞭從此北鷲嶺思悠悠

前題 七律二首

佟鳳彩

古洞陰寒法界清天花墜處似雲生傳燈進步窺空色捫壁攜
筇看注砰屹岫山巖高萬丈淪漪溪水瑩千泓始知黔道同蜀
道劍閣牂柯果並名

其二

佟鳳彩

崖石螺峰擁翠臺啼猿攀木亂聲催常看馬自雲中出似有人
從天上來老樹虬枝三寶護古檀洞宇五丁開停車歸路題名
氏萬里能經幾往回

前題

副戎 葉日芳

振衣揮汗陟重崗靜裏幽栖笑客忙鶴夢未回禪院寂松風欲
透雨花香乾坤不解藏靈異蘿華偏能藉倚傍一壑一坵誰領
畧煙霞五岳共蒼蒼

華嚴洞行

邑令 楊懋德

六春作宰食無鹽鬼國山多看不厭欲覓其間奇特處飛雲之
外有華嚴深深古洞靈而幻寂寂山門別有天洞前名利日相
逐忙裏偷閑那箇賢我今驅車又北上萬斛京塵自古稱何時
得遂田園樂笑殺當年嚴子陵

前題

教授 許之獬

施秉縣志

藝文

一三三

蘭若雲深處層巒秀氣鍾懸崖凝寶篆滴乳肖金容鐸響傳幽
谷鐃聲和古松祇園多勝跡放覽冷心棕

前題

邑令 姚夔

青巒萬疊掛雲程長夏驅車傍午行屐為探奇曾早蠟山因好
客故留名幽崖曲折天生就寶相慈悲乳結成秉炬移時寒沁
骨不須修煉已身輕

前題

江盈科

一壑藏幽境羣山繞梵宮鳥窺僧灶飯猿掛洞門松石溜晴疑
雨爐煙午漾風塵踪憐碌碌小憇且從容

前題

教諭 詹彬

鬼斧何年鑿宏開法界寬萬雲依寶座諸品綴岩端未雨空青溼無風六月寒幽深人跡罕然火一探看

前題

冷水道人即嚴峻

虛竇通山谷玲瓏擬洞天鑿空藏巨壑依樹聽流泉風拂雲常冷燈明路自懸征鞍何日息高枕度華年

偏橋郊望

邑令 李育熊

西郊閒散步一望盡煙波惟見採樵者相將陌上過圃場空自築禾黍已無多撫字應須急徘徊意若何

輓江節婦柯氏

宋安全舉人

眉黛還成假浮漚笑此生石侵詩裏血鬼絕夢中情父母皆貽

施秉縣志

藝文

一二四

罹初終正以名烈哉柯氏女不墜大家聲

偏橋早發

學院 孫勳

偏橋西上更千尋曉霧霏霏黯客襟生愧華嚴僧穩臥洞門不啟白雲深

柳塘夜渡

陳珣進士

控楚通黔一路遙月明兩岸憶長宵臨河莫怨公無渡指點迷津有石橋

平寧古寺

千年蘭若久荒蕪一旦從新見古初釋子漫勞誇佛力聖明天子鞏皇圖

百丈飛泉

一線欸從天上來白龍千尺掛蒼苔田疇日日甘霖徧不用山風送晚雷

玄都曉鐘 有敘

教諭 詹霖

予散步郊原遠眺林巒俯挹江瀨坐思虹橋風景因于舊誌外新增四景曰玄都曉鐘桂苑秋香雙江漁火虹橋夜月各賦七絕一章藉誌邑中勝概大雅君子正之

大夢難消劫裏塵覺來幻境幾番新玄都門外奔馳客半是晨鐘未醒人

桂苑秋香 在學宮外

晴空玉宇殿生涼雙樹移來月窟香借指科名容易事千秋道

施秉縣志

藝文

一二五

味在宮牆

雙江漁火

不弋冥鴻卻羨漁乾坤篝火一坵墟江邊疑有嚴陵蹟點綴波光勝石渠

虹橋夜月

絕勝方壺十二洲虹橋橫鎖大江流水光澄澈魚龍靜淡寫山河月一鉤

大雪寓感寄玉峯趙吏部索衣

宋騰熊舉人

謾謾松風下釣灘聲碎玉打漁竿過橋驢子詩囊破入帳羔兒酒盞乾高館讀書懷趙普草堂僵臥棄袁安殷勤催得陽春

到應念蓑衣老歲寒

過鎮雄關題壁

關在施秉鎮遠交界處

失名

一徑巉巖入壁空
關門控據上游雄
狼煙淨掃偏橋路
雁使遙傳澠驛笳
廢壘蠻花開雨後
荒碛犴鳥語風中
丸泥已足封疆
宇鎖鑰何勞借寇公

諸葛洞懷古二首

郭青螺先生征楊應龍開此以通楚餉

陳思魯

怪石蠻雲隔岸多
沅湘西上古牂柯
禹功導水留茲險
將畧征南俟再過
轉餉載來三楚雪
奔流去作九江波
還聞深入紆籌策
更欲平成替治河

其二

施秉縣志

藝文

一二六

討賊征蠻事已非
安瀾鑿險尚天威
五溪衣服來巾扇
四壁江山入指揮
老栢不忘西向綠
去帆猶望北方飛
無限濤聲帶金甲
夜深還似渡瀘歸

諸葛洞懷古

訓導

朱笏

偏橋城東十餘里
灘聲澎湃漲驚雷
起嘗進父老而詢
之洞名諸葛不知
始當日武侯事南
征大軍未向五溪
行公之天威不復
反公之大名相與
爭山蒼蒼兮水泱
泱怪石嵯峨皆悚
惶藉公之靈濟艱
險千秋丞相有祠
堂下游青浪灘前
路鴉陣神兵不知
數安瀾有慶迓神
庥當與伏波同景
慕

丁巳春日諸葛洞小集和壁間韻

邑增生

楊名勝

六出七擒紀戰功長留祠宇舞溪中甕蓬上到疑無路舟楫南
來不阻風洞經巡撫郭子章開後數百苔草沒碑書篆綠桃花
夾岸水流紅嚴光去後桐江冷何處煙波訪釣翁

其二

春山處處足清遊風景依稀憶舊秋波浪拍天漁子下干戈滿
地旅人愁距洞二十餘里名皮林討後仍多事諸葛名來應有
由七縱雄聲能繼起不教金鼓逼神州硯有碑記郭子

過偏橋驛題壁

失名

排雲城堞雉橫空蔀屋蕭疎一望中漢郡唐州粗可考苗風漢
俗不相同東連楚澤江流遠西接滇池地勢雄田賦無多農力

施秉縣志

藝文

一二七

苦十年五熟歲猶豐

戊戌九月旁海苗亂書事

賀緒蕃

窮箐狐火化為烽甲不曾周劫再逢黔東人語苗恒禍本都從

一闕市作亂由官中厚養兩年癰秋風江上傳新警叢菊尊前

黯舊容誰信銅章百里宰州金一舸早潛踪謂李州牧聞警即

其二

避難爭趨水次舟流離真使魯無鳩驚人苦縱殷天火失所深
含比戶愁下邑羽書方雜選將軍旌旆且勾留誰知才聚寥寥
賊笑殺當年拍手不

其三

颯颯驚風送鼓鼙妖氛近在此峯西祇愁巢下無完卵豈意山中尚舊棲小醜幸能殲螻蟻濫觴終恐掣鯨鯢何緣避地仙源去花竹桑麻聽午雞

其四

禍機深伏信無端林木池魚一例看海外癡情猶太教蠻中碧血遠人棺謂重安江因亂戕英國教士明某明猶太人兼容未必危鄉國一逞何曾與治安四大強洲正環視杞憂胡以笑艱難

收租了自前江放舟還郡宅

賀緒蕃

水落沅頭放曉舟新晴江上豁吟眸山川總覺故鄉好風鶴已無當日愁紅樹蕭蕭霜後葉落蘋渺渺渚邊秋歸涂得此誠清

施秉縣志

藝文

一二八

絕為屬篙師曷少留

秋日歸平寨故居

邑南區平寨場

賀緒蕃

亂山合沓圍平塢風景不殊村落非自笑曼殊仙蛻後歸來華表媿令威

黃雲匝野告西成愛聽平疇打稻聲太息十年槐國夢苦將薄領誤躬耕

新宮災變猶書哭禍反幽藏骨不回宰樹空存寒月照一生長

抱土清哀

用南史江泌事

某坵某水依稀識曾是童時釣弋來今日偶還尋舊處寄言樵

豎莫驚猜

飛水巖觀瀑布 並敘

前安州牧 賀緒蕃

距余居十里曰李家橋其西有瀑布飛空數百丈而下如銀濤雪練為景絕奇土人名之曰飛水巖以僻在夷

微遊者渺知而六月炎暑溽亟思近如攜子姪童僕遊光緒乙未六月炎暑溽亟思近如攜子姪童僕往寒輩持竿而往日中抵巖下且釣且觀目眩心搖久則遊寒侵人衣襟皆潤凜乎其不可留也歸塗賦此以紀遊

龍湫有瀑布勝甲東南國匡廬開先寺此景亦殊特昔遊遺雁
岩至今若負慝廬山屐所經奇勝饜胸臆蠻荒祕名境乃在吾
居側竭來避炎威釣循溪西北耳駭奔雷聲日搖匹練色騰空
忽飄蕩霏霧滿崩削飛流下千丈直濤空潭黑瀆薄溼襟裾可
望不可即人間大熱惱到此總蘇息何期鄉里勝遲暮求方得
惜哉無好事文字楊幽仄倘與名區角定可齊鑣勒古來賢在

施秉縣志

藝文

一二九

野遇合每差忒山水特區區顯晦何能測

咸豐丙辰七月二十九日施秉城陷悼殉難諸鄉人

蔣光濤 歲貢

肅殺動金天刀兵滿萬千三更聞鼓角苗于三更後由城西王家坡入合邑起
烽煙禦變無長策總兵楊某先敗陣丁家橋以後不復出兵逃亡有壯年人家雞犬
盡碧血水濺濺

其二

七月為夷則刑官殺戮時紅羊當此劫黃口似先知破城一般

童言盡節劉公苦縣令劉玉林豫人巡防汛守虧王千總廣人年

年逢晦日追悼有餘悲

其三

草澤竟稱兵戕官復破城劫遭夷亂夏人幸死逃生玉石焚灰
燼鄉民血戰爭縣令劉公練集鄉勇禦苗頗力神威叨保障乜筆寫分明咸豐元年
苗來襲城見有紅臉大漢苗驚潰去後邑人扶乩云
係關聖顯佑並云三年後劫數至欲助莫能云云

其四

景物太淒涼平沙古戰場鴻嗷哀失所蟻聚喜旋鄉週甲干戈
起苗人六十一年一反呼庚米粟荒肇亂由米貴廿年離亂久身世感滄桑

其五

勘亂中興主邊民引領望軍麾臨席帥逆燄埽黔疆再覩冠裳
會重開黍稷場肅清無以報同治頌君王清穆宗同治辛未遣總統席保田號硯香

施秉縣志

藝文

一三〇

平貴州苗越年肅清

殉難行 並敘

張芬林 歲貢

咸豐乙卯苗變九月十五日攻陷新城族人張敬勝妻
李氏子四人子婦及諸孫息老幼一十八口被苗追至
距城五里之寨膽
河全家赴水死

男女具剛腸死生何足懼蹈海與沉江至今人仰慕吾宗有波
臣苦節從頭訴咸豐歲九月劫運忽遭遇逆苗破新城逃生苦
無路殉難寨膽河老穉並婦孺一家十八口全付魚腹厝浪濶
江水深蛟龍應守護烽火慘連天濤聲滿江樹邇來花甲週滄
桑感前度劫後剩餘灰江水流如故可憐年年寒食節麥飯家
家灑坵墓我來江上為招魂細雨寒煙迷古渡

夾泉巖歌 並敘

賀良楨 拔貢

施秉新城東偏有夾泉巖者張廣文芷靜別墅也層岩疊翠曲澗縈青遠水浮空良田彌望楨于乙巳秋游此曾賦兩小詞以誌其勝別來十稔蠟屐重經喜其林壑之美不減當時爰作長歌以紀之

唐之李愿居盤谷三魏翠薇傳寧都古今賢者謀避世擇地偉識超凡遇張君逸士性恬淡早歲食餼榮天厨手營菟裘擅佳勝夾泉巖地誇名區羣山合抱溪中注梯田十頃足膏腴溝塍錯繡龍鱗接歲收詎止給官租天然景物更奇絕平挹江瀨涵清虛巖花谷草紛映帶松蒼竹翠更扶疎我昔步履屢經此吟眺欲去仍踟躕一從筮仕溯湘水心縈萊彩為親娛雄溪奉檄經三載猛洞于役徒馳驅風塵瀕洞滄桑變鶴歸華表勞艱虞

施秉縣志

藝文

一三一

傷心豈獨江山異區區三徑亦荒蕪羨君幾生福修到夾泉林壑無或殊題詠褻然已成帙篇章字句皆瓊琚丹青還付龍眠筆依稀風景輞川圖方今貞元廿四紀風雲變態生斯須曲突徙薪誰得解含沙射影工萑苻力薄敢存精衛心憂深時效杞人呼側身天地求樂土仙源已邈將焉如君今此地何瀟灑擊壤鼓腹歌康衢煙雲嘯傲適幽性有山可採溪可漁徑欲從者數晨夕買鄰王翰樂卜居高蹈泉石追曩哲詩賡伐木德不孤

新城貞烈女兒行 並敘

張文藻 歲貢

咸豐乙卯九月苗叛新城失守金氏女年十六歲被苗俘至三丙大塘地方女以酒醉苗襲而殺之自投水死

新城城破失王土九股生苗如環堵歲逢甲乙變忽生蟻聚蜂

屯鳴角鼓五月重圍至九秋賊衆兵單莫敢侮一朝巢覆任縱
橫鶴髮黃口屠戮苦卓哉金氏有女郎穎慧過人年三五一經
賊執腸九回欲脫牢籠身無羽罵賊賊在空殺身滿腔忿憤無
從吐雙眉蹙斷陰謀成彳亍隨行入村塢賊欲妻之巧致辭夷
漢婚姻有規矩且諷吉旦延賓朋地久天長堪比數賊聞女言
大歡欣女遂入廚調酒脯月掛藤蘿散鄰人燈火輝煌陳簋簠
慧心本是除賊師吞聲暫作釃酒姥飲醜止渴賊豈知一舉十
觴酣醜虜帷幄籌畫比英雄臥榻鼾眠乃豺虎群動盡悉夜氣
清美人興兵嚴部伍寬袖數挽斧斤楊先劈頭顱後斷股已殄
渠魁忿未消餘勇碎屍復可賈啟闕何待學雞鳴慷慨捐軀赴

施秉縣志

藝文

一三三

水府清流數畝小荒塘月淡星稀沉媚嫵人誰無死死其宜烈
魄英風足千古寶媛全節誰其儔希光景仇今復覩烈性憤發
氣如虹密謀殺賊何從容自經溝瀆亦時有今女智勇真英雄
我今濡筆權記載留待他年付采風

義師行 並敘

張文藻 歲貢

咸豐乙卯苗叛有勝秉楊通漢字梯雲者勇武能兵幼
讀書慕楊展之為人見苗勢益日大與姪光普友集流
亡國鄧堵才楊友林等赴鎮遠稟請官府札示招集則
督兵對壘夜則守衛登陣數月不懈六年正月十五日
大霧迷天十步之外僅以聲達時大河北岸金鐘山脚
一帶賊營相聯通漢破數營忽狂風大作煙殺日出砦
潰乘勝追至革冲又破數營進攻至古崖燒殺數砦力
薄兵單為賊瞥見退南寨均南岸埋伏大股賊口甚
至扼其要隘通漢督眾前進殺賊多人侍糧不致甚

賊探知拚死力來通漢手刃
數賊與團兵九十一人遇害

巖疆十城烽煙茫有苗蠹動干戈揚荼毒生靈毀廬墓老轉溝
壑少流亡楊公豪俠素勇武日擊時艱夜起舞身率糾桓九十
人誓埽欃槍報大府日夕乘機窺敵壘突逢大霧欣然喜一軍
暗度賊不知傾巢擒渠在乎此志切殺賊忘死生滅此朝食火
漫舉指揮部署竹成胸前敵衝鋒皆勁旅命令密傳取次行匹
馬身先抵賊營咸陽一炬燄方熾苗嶺千山鳥無聲乘勝猛攻
正搜捕無端日出開煙霧眾寡虛實賊偵知分頭攔截阻歸路
公怒據鞍振臂呼部位前驅口舌瘖陷陣衝鋒勇益賈短兵接
處擲頭顱山夷紛然四面來風聲鶴唳滿山隈死亡枕藉猶酣

施秉縣志

藝文

一三三二

戰矢盡兵窮氣不催自朝自暮困重圍星殞前營力漸微姪兒
何在老友逝雙目閃爍死如歸從此猖獗歷年久戕官屠城險
失守王師一鼓慶昇平故地重經難回首吁嗟乎丈夫生宜死
沙場我何于公獨悽惶以公捐軀衛桑梓生前曾未荷恩光馬
革裹屍無時無我何于公獨歔歔以公身異委溝渠湮沒無人
為上書公兮公兮其瞑目會有輜軒來村谷他時青史永流芳
英魂烈魄自不沒

己未小春遊穿巖鳳泉寺題壁

張芬林

懸巖漏日極清幽喜值冬晴結伴遊詩卷酒瓢真灑脫山莊水
碓足勾留吟餘頓覺塵俱淨坐久方知景不侔怪底如來飛住

此崖上有飛煙霞養性百無憂

施秉縣志

藝文

一三四

卷次	頁次	行數	字數	原	現	改	備	註
二	九十一	十二	三十四	偏	偏			
二	九十	九	十八	必	壁			
二	九十	四	二十三	須	始			
二	九十	一	<small>二十一二十三</small>	嶮崎	崎	嶮		
二	八十八	十六	二十一	如	始			
二	八十六	十四	五十六	瀝浙	浙	瀝		
二	八十五	十三	十一十一	勿廠	忽	敞		
二	八十四	五	二十二	堦	塌			
二	八十一	十		兩氏孀居	兩世孀居			
卷次	頁次	行數	字數	原	現	改	備	註
施秉縣志		校字表						
二	八十一	一		此 <small>生子不育此一女</small>	此 <small>生子不育此一女</small>		增	僿字
二	七十六	十	十八	機	杙			
二	七十六	八	二十	何	向			
二	七十五	十九	<small>十一十二</small>	至今			刪	
一	七十	五	<small>十一十二</small>	己酉	乙酉			
一	六十八	十三	十五	十			刪	
一	六十八	十三		黃泥箐	黃泥箐人			原抄本漏人字
一	六十四	一	三	藩	蕃			
一	六十一	五	二十三	付事	副史			
卷次	頁次	行數	字數	原	現	改	備	註

卷次	頁次	行數	數字	數	原作	現改	備註
二	一一五	十三	二十三	傳	傳		
二	一一三	三	十七	辦	辦		
二	一一二	十八	一	抵	低		
二	一一一	八	二十二	跑	咆		
二	一〇九	十	三	固	因		
二	一〇九	八	十	曾	層		據鎮遠府志
二	一〇七	一	二十三	獲	穫		
二	一〇六	十六	十	印	仰		
二	一〇五	十	二十	濟	齊		
施秉縣志							
校字表							
二	一〇二	六		甘文焜	按察彭而述 <small>河南進士</small>	三	據鎮遠府志
二	一〇〇	十二	二十二	瞻	瞻		
二	九十九	十七	十	正	禎		
二	九十八	十九	十八	試	視		
二	九十六	十七	三	桂	貴		
二	九十四	十八	八	持	時		
二	九十三	七	十一	進士	舉人		
二	九十三	六	二十三	綸	論		
二	九十二	十	三十五	廖士	廖道士		
卷次	頁次	行數	數字	數	原作	現改	備註

卷次	頁次	行數	字數	原作	現改	備註
二	一一九	四	二十二		侍	據鎮遠府志增補
二	一一八	十八	十九	石	飡	據鎮遠府志
二	一一八	十五	十八	似	以	據鎮遠府志
二	一一八	十二	十九	滑	涓	據鎮遠府志
二	一一八	十	二十三	梵	鼓	據鎮遠府志
二	一一八	十	八	衆	悲	據鎮遠府志
二	一一八	六	六		淚	據鎮遠府志增補
二	一一八	五	十四	起	豈	據鎮遠府志
二	一一八	四	二十一	旌	旄	據鎮遠府志
卷次	頁次	行數	字數	原作	現改	備註
施秉縣志		校字表	四		四	
二	一一八	四	十六	潔	澈	據鎮遠府志
二	一一八	四	五	梗	哽	據鎮遠府志
二	一一七	二十	二十三		化	原本漏抄據鎮遠府志補入
二	一一七	十六			雲臺山龍	原本漏抄據鎮遠府志補入
二	一一七	十五			相見坡五言詩一首	原本漏抄據鎮遠府志補入
二	一一七	二			何景明	據鎮遠府志增
二	一一六	十九			張一鵠	據鎮遠府志增
二	一一六	十五	二	域	域	
二	一一六	六	二	含	舍	
卷次	頁次	行數	字數	原作	現改	備註

卷次	頁次	行數	字數	原	作	現	改	備	註
二	一一五	九	二	花	苑	據鎮遠府志			
二	一二五	六	十四	花	苑	據鎮遠府志			
二	一二三	十八	五	徑	境	據鎮遠府志			
二	一二三	十五	二十	燭	炬	據鎮遠府志			
二	一二三	十三			邑令姚夔	據鎮遠府志增			
二	一二三	十一	十	鐘	鍾				
二	一二三	十九	十三十四	壇祠	檀洞	據鎮遠府志			
二	一二三	十七			佟鳳彩	據鎮遠府志增			
二	一二三	十五	八	石	巖	據鎮遠府志			
施秉縣志									
校字表									
二	一一三	十四	四	雲	寒	據鎮遠府志			
二	一一三	十三			佟鳳彩	據鎮遠府志增			
二	一一三	四	十四	滴	敵	據鎮遠府志			
二	一一一	十九	二十四	泊	伯				
二	一一一	十八	十四	天	元	據鎮遠府志			
二	一一一	六	十六	廟	妙	據鎮遠府志			
二	一一〇	十九	八	文	紋	據鎮遠府志			
二	一一〇	十七	七	紛	紜	據鎮遠府志			
二	一一九	九	十一	遺佳	貽嘉	據鎮遠府志			
卷次	頁次	行數	字數	原	作	現	改	備	註

						施秉縣志			校字表																		
						卷次頁次			六						卷次頁次												
						行數字數			校字表						行數字數												
						原作現改備註			校字表						原作現改備註												
						二	二	二	二	二	二	二	二	二	二	二	二	二	二	二	二	二	二	二	二	二	二
						一三三三	一三三三	一三三三	一三三二	一三三二	一三三二	一三〇	一二九	一二七	一二七	一二五	一二五	一二五	一三三二	一三三二	一三三二	一二九	一二七	一二七	一二五	一二五	一二五
						十七	四	三	二十	十七	五	七	六	十五	十三	二十	十九	十	十二	八	十六	十三		十六	十		
						冥	日	屠	陣	亦	輒	年反六十一	炫	軻	年叛六十一	憶	翠										
						瞑	目	荼	陣	益	諷	反六十年一	眩	舸	叛六十年一	棄	碎										
																								據鎮遠府志	據鎮遠府志		